

Min fiu t'es-t-un wèpe  
Un metteu d'fu  
Aveuc ét canette  
Pi tin giyet ganne  
Din chés rues  
Ti tu t'ermues tes fesses  
Tu t'erdrèches!  
Des coeups qu'o t'prinche pour un beudet  
Tu t'laicheros pu foaire!

### **Oui, foais ch'qu'i pins't tertous!**

Ti pi tes amisses  
Ma qué dalage !  
Cho ch'étoait point trisse  
Au momint du grind déballage  
Pi din tous chés gazettes  
Et' caouette  
Qu'al dit "fraternité, justice  
Et pu d'cafougnettes!"

### **Oui, foais ch'qu'i pins't tertous!**

Tu n'dérageros point  
Plontchè sur tin rond-point  
R'montè conme un rsort  
Dusqu'à ch'qu'u'il arrive  
El cangemeint!  
A tertous chés tran-neux  
Ed berbettes  
Tu djeules: "Egalité,  
O n'veut mie pu qu'chés frouettes!"

### **Oui, foais ch'qu'i pins't tertous!**